

Maloba oyo elobamaki epai ya , Motarisai moko, motangi ya mibeko, moto monene kati na Bayuda. Ayaki epai ya Nkolo na butu, na sekele, mpo ayebisaki Ye makambo oyo Bafarisai mosusu bazalaki koyeba mpo na Ye. Andimaki mpe alobaki ete: “Toyebi ete ozali Motangi oyo auti epai ya Nzambe.” (Atako bazalaki kotelemela Ye).

Kasi liboso akoba mosika, Nkolo akataki ye maloba mpe abandaki koyebisa ye makambo ya kobotama mbala ya mibale.

Mokanda na Bomoi - Yoane 3:1-3

1 Ezalaki na moto moko kati na Bafarisai, nkombo na ye Nikodemo, mokonzi ya Bayuda.

2 Ayaki epai ya Yesu na butu mpe alobaki na Ye: “Rabi, toyebi ete ozali Motangi oyo auti epai ya Nzambe; pamba te moto moko te akoki kosala bilembo oyo ozali kosala soki Nzambe azali elongo na ye te.”

3 Yesu azongiselaki ye: “Nalobi na yo solo, soki moto abotami lisusu te, akoki komona Bokonzi ya Nzambe te.”

Soki okobi kotanga, okomona ete Nikodemo abandaki kokamwa mpo na liteya oyo ya sika: ndenge nini moto akoki kobotama lisusu? Tango azalaki kokamwa, Nkolo mpe akamwaki ye: “Ozalaka motangi ya mibeko,

moto ayebi makambo ya kondima, kasi oyebi te makambo oyo?”

Mokanda na Bomoi - Yoane 3:10

Yesu azongiselaki ye: “Ozali motangi ya Israele, mpe makambo oyo okoyeba te?”

Lelo mpe, kati na biso bateyi mpe basakoli ya Liloba ya Nzambe, Nkolo azali kokamwa biso. Totelemaka koteya, kosakola, komibenga babateli, baprofeta, bantoma, bateyi... Kasi makambo ya kobotama na mai mpe na Molimo toyebi yango te? To soki toyebi, tozali koteya yango te.

Nkolo ayebisaki Nikodemo ete mpo moto akota na Bokonzi ya Likolo, asengeli kobotama mbala ya mibale. Boye soki toyebisi bato te ntina ya kobongola motema (kobongola bomoi), mpe ntina ya kozindisama na mai mpe koyamba Molimo Mosantu, bakomona Bokonzi ya Nzambe te, ata bakokila kosala makambo mingi ya losambo, kopesa makabo mingi, to kosambisama mingi. Soki babotami lisusu te, lobiko ezali te kati na bango.

Ndenge nini moto abotamaka mbala ya mibale?

Moto abotamaka na mai mpe na Molimo; makambo wana mibale esengeli kokende elongo. Tango moto abongoli motema ya solo, atiki masumu na misala, atiki kindumba, moyibi, lokuta, kosepela na biloko ya bato, mpe akendeki kozindisama na mai mingi na Nkombo ya Yesu Kristo—

Mokanda na Bomoj - Misala 2:38

“Bóbongola mitema, mpe moto na moto kati na bino azindisama na Nkombo ya Yesu Kristo mpo na kolimbisama ya masumu na bino; mpe bokoyamba likabo ya Molimo Mosantu.”

Soki masumu na ye elimbisami, Molimo Mosantu ayaka kofanda kati na ye. Boye, soki moto atosi na motema mobimba, abandaki bomoi ya sika kati na Kristo, mpe andimi kozindisama noki, Molimo ya Nzambe akotaka kati na ye. Wana nde kobotama mbala ya mibale.

Nkombo na ye ekomamaka na Buku ya Bomoj na Likolo.

Kasi soki moto alobi: “Nazali mobikisi,” kasi azali koboya kozindisama,

wana ezali elembo ete abongoli motema na solo te. Molimo Mosantu akoya te, mpe masumu ekokoba kozala na nguya likolo na ye, pamba te abotami lisusu te.

Kozindisama ezali likambo ya kotindika moto te; ezali mokano ya moto ye moko oyo alingi kokota na Likolo mpe azali koluka yango na molende nyonso, ata soki esengeli asala mobembo mpo na kozwa yango. Nzambe atalaka posa mpe mposa makasi ya kozwa Bomoi ya Seko.

Kozindisama ezali lingomba ya sika te; ezali etinda oyo Nkolo Yesu apesaki Ye moko.

Mokanda na Bomoi - Malako 16:16

“Moto oyo akondima mpe akozindisama, akobika; kasi oyo akondima te, akosambisama.”

Omoni ete lobiko esukaka kaka na kondima te; esengeli mpe kozindisama.

Boye, soki ozali na posa ya kobotama mbala ya mibale, sima ya

kobongola motema na yo, luka kozindisama na molende. Kozindisama ya solo ya Makomi ezali kozindisama na mai mingi (Yoane 3:23) mpe kosalema na Nkombo ya Yesu Kristo, ndenge emonisami na Misala 2:38; 8:16; 10:48; 19:5.

Soki ozindisamaki na ndenge mosusu to na bomwana, ezali malamuru ozindisama lisusu kolanda Makomi.

Nkolo apambola yo.

Share on:
WhatsApp